



3. Marts 2011

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut: Nunatta ilisimatusarfigineqarnerani aningaasarpassuit atorlugit ilisimatuut ilinniartussaminnillu nassarlutik nunatsinniittartut, qanoq Naalakkersuinikkut nunatsinneersuniik ilisimasat pigiinnarnissaanut qulakkeerinninniarnersut?**

(Inatsisartuni ilaasortat, Siverth K. Heilmann, Knud Kristiansen ATASSUT)

Ataatsimiititsisarnitsinni uparuarneqartartunut ilaavoq, nunatta avataaneersunik ilisimatusarfigineqarnerata taakkulu namminneq ilinniartussaminnik nassarlutik aningaasarpassuillu atorlugit nunatsinniittarsimasut tusarsaajuarneri pingaartumik ilinniartunik maluginiarneqarluartarsimavoq.

Inatsisartuni politikkikkullu sulinitsinni soqutigisarilluinnartariaqarparput, nammineq uvagut illinniarfigut atorluaannarneqaratik aamma ilisimasassat pigiinnarnissaanut qulakkeerutaasinnaasunik politikkikkut suliniarnitsinni aqqutissat sukateriffigineqanngikkunik eqaallisartuarneqarnissaat, taamaalliluta siunissami inuusuttatta kingulissatsinnullu suliniarnermini periarfissaasa annertusartuarnissaat.

Taamaattumik qulaani qulequttamut Naalackersuisut qanoq akissuteqarsinnaanerat  
tusarusupparput, nalilersinnaajumallugu ukiamut inatsisartunut aalajangiiffisassamik  
siunnersuuteqarsinnaanissaq.

Inussiarnersumik Inuulluaqqusilluta

Atassut sinnerlugu Inatsisartuni ilaasortat